



UNIVERSITY of HAWAII®
WINDWARD
COMMUNITY COLLEGE

Palapala Kuhikuhi Papa

HWST 270, Nā Kā‘ao Hawai‘i
3‘ai (CRN 60466)
Pō‘akolu 0830-1115 kakahiaka

Ka ‘Ikepili Kumu

Ke Kumu: William “Miki” Cook
Ke Ke‘ena: Ke Kula o Kamakau
Ka Manawa Ho‘okipa Ke‘ena: E noi mai i ka wā e hui ai kāua
Ka Lekauila: wmkcook@hawaii.edu

No ka loli ‘ana o ka ‘Ike Ko‘iko‘i o ka Papa ma ka palapala kuhikuhi nei:

E loli ana paha ka ‘ike i loko o kēia palapala me ka ho‘olaha ‘ana aku ma mua mai o ka loli, e like me kā ke kumua‘o e ho‘oholo ai he kūpono no ka papa. Ke loli ka ‘ike ko‘iko‘i o ka papa, ma o ka ha‘i waha ‘ana aku ma ka papa a me ka leka uila nō ho‘i i ka waihona hawaii.edu o ka haumāna ke ‘ano o ka ho‘olaha ‘ana aku.

Ka ‘Ike Papa

KA NU‘UKIA O KE KULANUI KAIĀULU O KE KO‘OLAU

‘O kēia ka wā kūpono e ho‘onui ai ka ‘ike me ka ho‘omaopopo i ko Hawai‘i mau ho‘oilina waiwai. Aia nō ho‘i ma ke Kulanui Kaiāulu o ke Ko‘olau nā papahana hou o nā ‘ike akeakamai a me nā hana no‘eau. Me ke kuleana ko‘iko‘i e ho‘ohiki ke Kulanui ke kāko‘o a e ho‘okumu i ala e hiki ke kōkua i ka ho‘onui ‘ike a nā Kānaka Maoli. Na mākou e ho‘olako, kāko‘o a paipai i ko nā Ko‘olau a me ko O‘ahu a me nā mea ‘ē a‘e ho‘i me nā hana no‘eau ākea, ho‘ona‘auao ‘oihana ame ka ho‘onui ‘ike ma ke kaiāulu -- hō‘a‘ano a e ho‘oulu i nā haumāna i ka po‘okela.

Windward Community College offers innovative programs in the arts and sciences and opportunities to gain knowledge and understanding of Hawai‘i and its unique heritage. With a special commitment to support the access and educational needs of Native Hawaiians, we provide the Ko‘olau region of O‘ahu and beyond with liberal arts, career and lifelong learning in a supportive and challenging environment — inspiring students to excellence



Ka wehewehena papa

He papa ka‘ao kēia e hō‘ike ‘ia ana i nā akua, nā kupua, nā hāme‘e, a me ko lākou mau kino lau i mea e ho‘ākaka ai i ka hō‘ailona ku‘una Hawai‘i.

Nā Hopena A‘o Pili i nā Haumāna

Ma muli o ke komo ‘ana ma kēia papa me ka ho‘okō pono ‘ana i nā koina ma ka hopena o kēia papa, e hiki ana i ka haumāna ke ho‘okō iho i kēia mau hopena o ke a‘o, i helu papa ‘ia ma lalo iho nei:

- E kālailai i ka pilina mo‘olelo i ka ho‘omana kahiko a me ka nohona Hawai‘i i ka wā kahiko.
- E hō‘ike mai ka haumāna i ka mo‘omeheu waiwai Hawai‘i a me kona pilina i ka mo‘olelo.
- E ho‘ohālikelike ka haumāna i ka mo‘olelo Hawai‘i a me ka mo‘olelo mai waho mai a me kona mau mana‘o no ia mea he mo‘olelo a me ke ka‘ao.
- E kuhi pololei a e heluhelu piha ho‘i ka haumāna i nā palapala nui a me nā pa‘i leo no nā mo‘olelo Hawai‘i.
- A e hō‘ike mai ka haumāna i ho‘okahi mo‘olelo Hawai‘i a e hō‘ike ‘ia ka like a me ka like ‘ole o nā mo‘olelo Hawai‘i.
- E wehewehe mai ka haumāna i ke kūlana o nā hāme‘e mai loko mai o nā mo‘olelo Hawai‘i.

Nā Pono Papa

- Mālama ‘ia nā puke, ka po‘e pūnaeweale, nā ha‘awina, nā kuisa, a pēlā aku ma Laulima ma lalo o ka resources tab.

Nā Koina Kamepiula

- He mīkini ‘ano hou, 2015 a ma hope iho, me ka papahana Windows a i ‘ole he Mac (Apple) nā ‘ano maika‘i.
- Kekahi ‘ano pilina i ka punaeweale puni honua pa‘a loa a wikwiki ke ‘ano.
- Kekahi ‘ano hou o Firefox. E ho‘ouka iho ma [Firefox Browser Update](#) inā loa‘a ‘ole.
- [Adobe \(Acrobat\) Reader](#). Ho‘ouka me ka uku ‘ole.
- [Microsoft office 365](#). Ho‘ouka me ka uku ‘ole.

Nā mākaukau e pono ai ka lawelawe ‘ana ma o ka mīkini ho‘onohonoho ‘ikena.

Nā Koina Mākaukau no ke Kamepiula

He koina nō e ho‘ohana ‘oe iā Laulima ma ka lawelawe ‘ana i nā mea pili i ka papa. Pono kou ‘ike i nā ‘ano hana ma‘amau ma nā mīkini no ka ho‘okō ‘ana i nā mea pili i kēia papa.



Kōkua Kamepiula

- [UH ITS Computer Help Desk](#) – e lekauiia iā help@hawaii.edu a i ‘ole e kelepona ma 956-8883 (a i ‘ole 1-800- 558-2669 mai nā mokupuni ma waho o O‘ahu)
- Laulima Assistance Form – E kaomi ma ka loulou no [Request Assistance](#) iā lalo o nā ‘ao‘ao a pau loa o Laulima a hāpai i ka nīnau no ka pane ma ka lekauiia ‘ana mai.
- [Laulima Student Support](#)
- [Information Security for Students](#)

Nā Lula o ka Papa no ka Hō‘ike Mana‘o ‘ana Mai

Ke Komo ‘ana i ke Kaiāulu A‘o Nei

Inā he mau nīnau hou a‘e no:

- Laulima, e ho‘omaopopo aku iā help@hawaii.edu
- No kēia papa nei, inā he nīnau e leka uila mai a i ‘ole e ho‘omaopopo mai ia‘u ma loko o ka papa.

Nā Lula no ka Hō‘ike Mana‘o

Hiki ke loulou iā [UH Online Netiquette and Privacy Tips](#) a i ‘ole e ho‘ohana i kekahi la‘ana o lalo:

Nā Loina Pūnaewele

Holo pono ke kūkākūkā a me ka ho‘oka‘a mana‘o i ka mālama ‘ana mai i ka pilina kānaka o kākou. He mea nui ka mahalo kekahi i kekahi. Ke hō‘ike ‘oukou i ko ‘oukou mana‘o, mai pōina i ka hopena o kāu ‘ōlelo ma luna o ke anaina. ‘A‘ohe like ke kākau mana‘o me ka ha‘i ‘ōlelo, no ka mea ‘a‘ole hiki i ke anaina ke ‘ike i kou maka a i ‘ole lohe i kou leo.

Mai kākau a lō‘ihi loa. Pane i ka nīnau kiko‘ī, a mai komo i ka paio ‘ana, inā hiki. ‘A‘ole ‘o ka waihona hō‘ike mana‘o kahi e paio ai a i ‘ole kahi e kūkākūkā ai i nā mea pili ‘ole i ka papa. Inā ‘oe ho‘okomo i ka mana‘o o ha‘i, e hō‘ike i kahi i loa‘a ai ka mana‘o.

Ka Paka ‘ana i ke Hoa Papa

Ma o ke kuahui ke a‘o ma kēia papa. E koi ‘ia ana nā haumāna i ka paka ‘ana i ke hoa papa. Eia nā hana kūpono i ka paka ‘ana i kēia papa:

- ‘A‘ole komo mai ka loiloi ‘ana i loko o ke kūkākūkā i ka hana a ha‘i
- E hō‘ike mai i kou mana‘o ma ka la‘ana kiko‘ī i ka hana a ke hoa papa
- E hāpai i ka la‘ana mai loko mai o kāu hana pono‘ī a i ‘ole e hō‘ike mai i ka hana a ka loa no ke kākō‘o ‘ana i kou mana‘o
- I hāpai i nā mana‘o mōakaaka a e hiki ai ke hana me ka ma‘alahi. Inā he hana pa‘akikī, e hō‘ike i ke ala kiko‘ī e ho‘oponopono ai.



Ka 'Imi 'ana i ke Kumu

E ho'ohana ka haumāna i ka lekauila ma Laulimaa i 'ole ka lekauila ma luna o kēia kuhikuhi papa, E kali ka haumāna i ka pane ma loko o 24 mau hola mai ka Pō'akahi a i ka Pō'alima, akā 'a'ole ma nā hopena pule. Ma ka laina kumuhana e kākau penei: HWST 270 (kou inoa)

Inā 'A'ole Hiki ke Loa'a ke Kumu

Inā 'a'ole hiki iā 'oe ke loa'a ke kumu, a i 'ole he nīnau i hiki 'ole i ke kumu ke pane, a i 'ole nā pilikia hou aku, e ha'i mai ke Ke'ena Academic Affairs:

Ke'ena: Alaka'i 121

Helu Kelepona: 808-235-7422

Lekauila: wccaa@hawaii.edu

No ka Hele 'ana i ka Papa a me ke Kaha 'ana

Ka Hele 'ana i ka Papa- 10%

He 10 'ai ko kēlā me kēia haumāna. Ho'ouku'u 'ia ka haumāna no ke komo 'ole i ka papa he 3 lā o ke kau. 4 lā a 'oi 'o ka hele 'ole 'ana mai e emi mai ana ke kaha he 1 'ai.

Ke Kaha a me ka Loiloi

Mālama 'ia nā kaha ma Laulima, ma Gradebook. E loiloi nō ke kumu i nā ha'awina, hō'ike/kuisa i kēlā me kēia pule no laila e ho'opuka 'ana i nā kaha ma Gradebook i ho'okahi pule ma hope o ka lā palena pau.

Nā Ha'awina Lohi

'A'ole 'ae 'ia ka ha'awina lohi. Eia na'e, Hiki i ka haumāna ke hā'awi mai i nā ha'awina lohi a hiki i ka lā 16 o Kekemapa. Inā lohi ka ha'awina, he hapa ka 'ai.

Nā Ha'awina i Hala iā 'Oe

Inā hala kekahi ha'awina i ka haumāna e like me ka hō'ike'ike, nā papahana, a pēlā wale aku. ma muli o ka pōpilikia a e lohi ana a i 'ole ua ho'okō 'ole 'ia i ia mau mea o luna nei e ho'omaopopo koke mai i ke kumu a'o.

Ka 'Ai Keu

'Ae 'ia ka 'Ai Keu ma ka papa ma o ke kākau pepa he 5 'ao'ao, Ha'i Mo'olelo, a i 'ole ka pa'i wikiō. 'O ka 'ai he 1-10 'ai ko kēlā me kēia papahana.



Ke Kaha Pa‘a

Pēnei e loa‘a ai ke kaha:

‘O ka hana o ka papa ‘o ia nā ha‘awina, kuisa, ka hele ‘ana i ka papa, ke komo i ka wala‘au a me ke hō‘ike ‘ana i ka mana‘o. Na nā haumāna e ho‘okō i kēia mau mea ma o ke kākau mana‘o, ma ke kūkākama‘ilio ‘ana ma ka papa, a me ka heluhelu ‘ana i nā mo‘olelo. He ‘elua hō‘ike nui ko kēia papa e pili ana i ke ‘ano o nā mo‘olelo/ka‘ao, ke kūkulu ‘ana o ke ka‘ao, nā hō‘ailona i loko o ke ka‘ao a ia mea aku a ia mea aku. ‘O ke kaha hope loa ‘o ia ka huina o nā ‘ai no kēlā me kēia māhele i helu papa ‘ia ma lalo iho nei. penei nā pākēneka:

E loa‘a ana ke kaha ma kēia pālākiō:

Ke Kaha	Ka Pākēneka	Ke Kaha	Ka Pākēneka	Ke Kaha	Ka Pākēneka
A+	97-100%	B-	83-80%	D	63-60%
A	97-93%	C+	80-77%	D-	60 %
A-	93-90%	C	77-73%	F	59-0%
B+	90-87%	C-	73-70%		
B	87-83%	D+	67-63%		

Nā Mahele Kaha

Ka Loiloi	Ka Nui
Ka hele i ka papa	10%
Ka hō‘ike mana‘o	15%
Komo i ka Wala‘au	15%
Kuisa	10%
Hō‘ike waena kau	25%
Hō‘ike hope loa	25%

Ka Papamanawa i Kuhi ‘ia

He papamanawa kēia e loli ana paha. Ke loli ka papamanawa, e ho‘olaha ana au ma ka leka uila a i ‘ole ma ka papa he alo a he alo.

E maliu mai: Aia ana ka hō‘ike hope o ka papa ma ka lā 8 i ka hola 0815 o Kekemapa, e like me ka mea i hō‘ike ‘ia ma ka Papamanawa Hō‘ike Hope.



UNIVERSITY of HAWAII®
WINDWARD
COMMUNITY COLLEGE

Pule 1, ‘Aukake 25: Ka Ho‘olauna Papa
Ho‘olauna papa, Ho‘olauna iho, He aha ia mea he ka‘ao/mo‘olelo.

Pule 2, Kepakemapa 1: Ke Kumulipo
Heluhelu mo‘olelo/Kūkākama‘ilio ma ka papa

Pule 3, Kepakemapa 8: Ke Kumulipo
Heluhelu mo‘olelo/Kūkākama‘ilio ma ka papa/Ha‘awina 1/Kuisa 1

Pule 4, Kepakemapa 15: PAPA, WĀKEA, HO‘OHŌKŪKALANI, A ME HĀLOA
Heluhelu mo‘olelo/Kūkākama‘ilio ma ka papa

Pule 5, Kepakemapa 22: PAPA, WĀKEA, HO‘OHŌKŪKALANI, A ME HĀLOA
Heluhelu mo‘olelo/Kūkākama‘ilio ma ka papa/Ha‘awina 2/Kuisa 2

Pule 6, Kepakemapa 29: MO‘IKEHA, KIHA, LA‘AMAIIKAHIKI
Heluhelu mo‘olelo/Kūkākama‘ilio ma ka papa/Ha‘awina 3/Kuisa 3

Pule 7, ‘Okakopa 6: PELE, HI‘IAKA, LOHIAU
Heluhelu mo‘olelo/Kūkākama‘ilio ma ka papa

Pule 8, ‘Okakopa 13: PELE, HI‘IAKA, LOHIAU
Heluhelu mo‘olelo/Kūkākama‘ilio ma ka papa/Ha‘awina 4/Kuisa 4

Pule 9, ‘Okakopa 20: Hō‘ike waena kau
Hō‘ike

Pule 10, ‘Okakopa 27: KAMAPUA‘A
Heluhelu mo‘olelo/Kūkākama‘ilio ma ka papa

Pule 11, ‘Okakopa 3: KAMAPUA‘A
Heluhelu mo‘olelo/Kūkākama‘ilio ma ka papa/Ha‘awina 5/Kuisa 5

Pule 12, ‘Okakopa 10: KA IPU MAKANI O LA‘AMAMAO
Heluhelu mo‘olelo/Kūkākama‘ilio ma ka papa/Ha‘awina 6/Kuisa 6

Pule 13, ‘Okakopa 17: MAUI
Heluhelu mo‘olelo/Kūkākama‘ilio ma ka papa/Ha‘awina 7/Kuisa 7

Pule 14, ‘Okakopa 24: HUA KE ALI‘I O HĀNA
Heluhelu mo‘olelo/Kūkākama‘ilio ma ka papa/Ha‘awina 8/Kuisa 8

Pule 15, KEKEMAPA 1: KŪ‘ULA ME ‘AI‘AI
Heluhelu mo‘olelo/Kūkākama‘ilio ma ka papa/Ha‘awina 9/Kuisa 9



Pule 16, KEKEMAPA 8: HŌ'IKE HOPE LOA Ho'ike

Ke Kōkua

Inā he pono ke kōkua, mai kali. E nānā iā lalo i nā loulou a i 'ole nā helu kelepona o nā kānaka e hiki ai ke kōkua iā 'oe, ma ke kelepona, ma ka pūnaeweale, he alo a he alo, a pēlā wale aku nō.

Ke Kāko'o i ka Na'auao (ke kōkua i ka hana papa)

Kumu: Na'u nō e kōkua iā 'oe i ka hālāwai, ke kelepona, a i 'ole i ka pūnaeweale. E ha'i mai ia'u no ka ho'opa'a 'ana i hālāwai a kāua. (Aia ko'u 'ike ma iā luna o kēia palapala.)

Ka Kūlia 'ana i ka Nu'u:

- [Ke Kāko'o a ke Tuta](#) (e pili i nā mākau like 'ole) – aia i ka hale waihona puke a i 'ole i ke ke'ena o [TRiO SSS](#)
- [Ke Kōkua ma ka Hale Waihona Puke](#) – Hiki i nā kahu hale waihona puke ke kōkua i ka 'imi 'ana i nā puke, nā mo'olelo, a me nā mea like 'ole ma ka pūnaeweale. E kipa i ka hale waihona puke ma Hale La'akea ke loa'a ka nīnau.
- MySuccess: Nui nā mea waiwai ma MySuccess.Hawaii.edu a me windward.hawaii.edu/MySuccess

Ke Olakino o ka Na'au a me ka No'ono'o:

Na ke Kikowaena No'ono'o Pono e kuauhā kūikawā a kuhikuhi i nā kumu waiwai o ke kaiāulu i ka wā piliki'i. 'A'ohē ho'ouku, akā he mea hūnā a he mea na ke kanaka e koho. I ho'opa'a i ka hālāwai ma ke kahua pūnaeweale nei: [No'ono'o Pono](#).

Ke A'oa'o Ho'ona'auao:

Ua hiki i nā haumāna a pau ke noi i ke A'oa'o Ho'ona'auao no ka 'imi na'auao 'ana, ke koho 'ana i ka 'oihana, ka hō'oiā 'ana i nā pono papahana na'auao, a me ke koho 'ana i ke ala kekelē kūpono. E kōkua ana nā Ka'i A'oa'o ma nā koina papahana, ke kulana ma ka papahana a i 'ole ka hō'oiā komo, ke kulana papa, ke ka'ina papa, ke koho papa, ke kākau inoa, ka ho'īli kula, ka loa'a o ka helu'ai ma ka hō'ike, ka hemo kula a pēlā wale aku! Aia ka 'ike hou aku a me ka ho'opa'a hālāwai 'ana ma: [Ke A'oa'o a me ke Kuauhā](#).

Nā Kulekele Kulanui a me Nā Ki'ihana

He hui ho'ohana 'imina'auao e kaulike/hō'oiā hana ana ke Kulanui o Hawai'i. Kūpa'a nō ia i ke kulekele no ka wae 'ole a ho'okae 'ole ma muli o ka lāhui, ke keka, ka limanui 'ia, ke 'ano o ka hō'ike keka, ka makahiki, ka ho'omana, ka 'ili, ka 'āina hānau, ka mo'okū'auhau, ke aupuni kumu, ke kulana hiki 'ole, ka welo, ke kulana male, ka hānai waiū, ke kulana kālā no ka mālama



keiki, ka hopu ‘ia a me ka mo‘olelo ‘aha (koe ka mea e ‘ae ‘ia ma lalo o ke kānāwai moku‘āina), ke ‘ano o ke keka e ‘i‘ini ‘ia, ka hele ‘ole i ke papa ma muli o ka pū‘ali koa, a i ‘ole ka ho‘omaha loa mai ka pū‘ali koa mai. Ho‘omalua kēia kulekele i ka ‘ae komo a me ka hiki ke loa‘a, ke komo piha ‘ana, ka mālama pilina ‘ana, a me ka hai ‘ia ‘ana i loko nō o nā papahana a me nā hana o ke Kulanui nei. Inā ‘oe e mana‘o ana, ua ho‘okae ‘ia, e kelepona i ke Ke‘ena Kaulike a Hō‘oia Hana ma ka helu kelepona 956-7077. E kipa i ke kahua pūnaewe no ka mana‘o hou aku: [Nā Kulekele a me Nā Ka‘inahana Laulā o ke Kulanui o Hawai‘i \(PPIS\)](#).

No ka Pilikino a me ka Hūnā

I ka nānā ‘ana i ka pilikino, e ho‘omalua ana au i nā mana‘o a me ke kūkākūkā ‘ana a ka haumāna ma loko nō o ka‘u papa, a pēlā pū ka‘u e noi ai i nā haumāna no kekahi i kekahi. ‘O ka mea na‘e ho‘i, e kālailai ‘ia ana paha kēia papa no ka loilo i a me ka paka ‘ana mai. Ke koho ‘ia paha ka papa no kēia hana, e hiki ana i nā kumu kulanui ‘ē a‘e a me nā limahana kulanui ke nānā mai i nā pono papa a me ka wala‘au haumāna.

E hūnā ‘ia ana nā kaha, a e ho‘ā‘o nui ana au e hana e like me ka makemake a ka haumāna no ka hūnā ‘ana i kāna hana a me kāna ha‘awina ma ka papa. Akā nō na‘e, inā ‘ike ‘ia ka ho‘oma‘au ‘ana a i‘ole ka hana kūpono ‘ole, he kuleana ko‘u no ka hō‘ike ‘ana aku i ia ‘ano hana i nā alaka‘i kulanui.

No ka Lekauila Kulanui

E nānā pinepine i kāu lekauila hawaii.edu i kēlā me kēia lā. E ho‘ouna ana nā kumu, nā alaka‘i kula, a me nā papahana kulanui hou aku i ka ‘ike ko‘iko‘i iā ‘oe ma o kēia lekauila, e like me ke kāpae ‘ana i ka papa a me nā lā palena pau ko‘iko‘i.

No ka Ho‘olaha Pilikia Kūhewa

Hiki nō ke kākau inoa no ka loa‘a ‘ana mai o nā ho‘olaha pilikia kūhewa. E kaomi i ka loulou nei a komo ma: <https://www.hawaii.edu/alert/>”

No ke Kūpono o ka Haumāna

E mahu‘i ‘ia ana kou mālama pono ‘ana i ka pilina me ka po‘e a pau o ke kula a me kāu hō‘ihi ‘ana i nā mana‘o ko‘iko‘i a ke Kulanui Kaiāulu o ke Ko‘olau. E kaomi i ka loulou e nānā i ka Puke Kānāwai Haumāna no kekahi ‘ike e pili i kou kuleana haumāna: [UH PPIS - EP 7.208](#)

E ho‘opa‘i ‘ia ana paha ka haumāna i ka ‘a‘e ‘ana i kānāwai o ua puke ala, e la‘a: he ‘olelo ho‘okekē, he wā ho‘omalua, he uku pāna‘i, he ho‘oku‘u no ka manawa, he kipaku, a i ‘ole he kāpae i nā kaha a i ‘ole ke kekele.

No ka ‘Oia‘i‘o ma ka ‘Imi Na‘auao



‘A‘ole nō na‘e kēia mau hana ‘āpiki ‘o nā mea a pau loa, akā helu ‘ia kekahi ma lalo iho nei:

- Ka pākaha ‘ana, ka ‘aihue mana‘o, a i ‘ole nā hana ‘āpiki hou aku ma ka ‘imi na‘auao ‘ana.

He hana ‘āpiki ka pākaha ‘ana ma ka ‘imi na‘auao ‘ana i wehewehe ‘ia i lalo, akā nō na‘e, ‘a‘ole nō kēia ‘o nā hana a pau o ka pākaha ‘ana:

1. ke kōkua ‘ia mai e ka mea ‘āpono ‘ole ‘ia ma nā hō‘ike a me nā kuia;
2. ka ho‘ohana ‘ana i nā kumu waiwai (kūmole) i ‘āpono ‘ole ‘ia e ke kumu i ke kākau pepa ‘ana, ka ho‘opalapala hō‘ike, ka ho‘omakala ‘ana ma ka pilihelu, a i ‘ole ka hana ‘ana i nā ha‘awina like ‘ole;
3. ka loa‘a ‘ana mai o ka hō‘ike a i ‘ole kekahi ha‘awina a ke kumu, ka limahana, a i ‘ole ka haumāna o ke kulanui ke ‘ole ka ‘ae ‘ia mai;
4. ka hana ‘ana i kekahi mea i pāpā ‘ia ma loko o ka Palapala Kuhikuhi Papa (‘Oloke‘a Papa) a i ‘ole ke kūkākūkā a ka papa.

He hana ‘āpiki nō ho‘i ka ‘aihue mana‘o, akā nō na‘e, ‘a‘ole nō kēia ‘o nā hana a pau o ka ‘aihue mana‘o ‘ana:

1. ka ho‘ohana ‘ana, ma o ka wehewehe pōkole a i ‘ole ka puna‘ī, i ka hana a ha‘i, i pa‘i ‘ia a i ‘ole i pa‘i ‘ole ‘ia no ka lehulehu, ke ‘ole ke kuhikuhi piha a mōakāka iā ha‘i;
2. ka ho‘ohana ‘ana i ka pepa a i ‘ole kekahi mea e pili i ka ho‘ona‘auao i kū‘ai ‘ia a haku ‘ia e ka ‘oihana a i ‘ole ke kanaka ho‘okahi, ‘a‘ole na ka haumāna e koi ‘ia ai ka ha‘awina.

He mau hana ‘āpiki hou aku:

1. ka ho‘opunipuni ‘ana i ka luna, ke kumu a i ‘ole ke ke‘ena o ke kulanui
2. ke kākau ‘āpuka, ka ho‘ololi ‘ana, a i ‘ole ka ho‘ohana kūpono ‘ole i ka palapala, ka mo‘olelo, a i ‘ole ke kāleka pilikino a ke kulanui.

No ka Waihona Kōkua Ho‘ona‘auao

I ke kākau inoa ‘ana i nā papa, e ho‘omana‘o i ke kuleana o ke kulanui, a he kānāwai ho‘i ia, i ka hō‘oia ‘ana i ka ‘imi na‘auao ‘ana a nā haumāna i loa‘a mai ai ke kālā pekelalala ma lalo o Title IV no ke kōkua ‘ana i nā haumāna. Inā ‘a‘ole komo ka haumāna i loko o ka papa, a i ‘ole hō‘oki i ke komo ‘ana i ka papa, e koi ‘ia ana ka ho‘iho‘i kālā ma lalo o ke kānāwai Title IV 34 CFR 668.21(a)), a no laila, e ho‘iho‘i nō ‘oe i ke kālā i loa‘a mai. Inā loli kou mana‘o a ‘a‘ole ‘oe e komo ana i ka papa āu i kākau inoa ai, e koi ‘ia ‘oe i ka hō‘ike ‘ana i kou mana‘o i ke ke‘ena waihona kōkua ho‘ona‘auao i ho‘ēmi ai i ka hopena ho‘opa‘i.

E kipa ‘oe i ke ke‘ena waihona kōkua ho‘ona‘auao o kāu kahua kula no kekahi ‘ike e pili i ke kālā no ka hele kulanui ‘ana. Nui nā ‘ano kōkua no ka hele kulanui ‘ana, e like me ke noi kālā, ka waihona kōkua ho‘ona‘auao, a pēlā wale aku nō. Na ke ka‘i e a‘oa‘o iā ‘oe i ke ki‘ina hana no kēia waihona kālā.



Nā 'Ōnaehana Kāko'o

Ke Kōkua i ke Kanaka Hiki 'Ole

Inā he hihia kou i ke kino, ka lonoa, ke olakino, ke akamai a i 'ole ka no'ono'o pono e ili ana ma luna o ka ho'okō pono i nā kuleana haumāna, paipai 'ia 'oe i ka hō'ike i ka hihia i ke Ka'i A'oa'o no nā Kanaka Hiki 'Ole. Me ia nō 'oe e wala'au ai i ke kōkua kūpono no ka ho'okō 'ana i nā kuleana haumāna. E kelepona iā Roy Inouye i ka helu kelepona 235-7453, i ka lekauila royinouy@hawaii.edu, a i 'ole e kipa i kona ke'ena ma Hale Kāko'o 106.

No nā Kumu Waiwai (Kūmole) no ka Ho'okae Keka a i 'ole Hana Weliweli ma muli o ka Hō'ike Keka (Title IX)

Pāpā 'ia ka ho'oka'e e Title IX ma muli o ke keka i loko nā papahana 'imi na'auao a pau e loa'a ana ke kālā pekelala. He pāpā kiko'i ko Title IX i ka ho'okae keka; ka ho'opi'oloke keka a i'ole hō'ike keka, a ma loko o kēia he ho'opi'oloke ma muli o ke keka i kuhi 'ia, ka 'i'ini keka, ka hō'ike keka; ka limanui keka; ke kāhina keka; hana weliweli ma ka 'ohana; ka hana ho'oweli ma ka pilina; a me ka ho'omoho 'ana. No ka 'imi 'ana i ka 'ike e pili i kou pono ma lalo o Title IX, e kipa ma 'ane'i: https://windward.hawaii.edu/Title_IX/.

Kūpa'a ke Kulanui Kaiāulu o ke Ko'olau i ke kaulike ma ka 'imi na'auao. Inā 'oe a i 'ole kekahi kanaka kama'āina iā 'oe i ho'okae keka 'ia a i 'ole hana weliweli 'ia ma muli o ka hō'ike keka, he mau mea ko kēia kulanui i ke kāko'o 'ana iā 'oe. E wala'au paulele 'oe i ka limahana o ke Ke'ena No'ono'o Pono ma ka helu kelepona 808-235- 7393 a i 'ole me Kaahu Alo, ke Ka'i A'oa'o i Koho 'ia no ka Ho'omalua Haumāna ma ka helu kelepona 808-235-7354 a i 'ole i kona lekauila ma kaahualo@hawaii.edu. I mea e hō'ike kūhelu ai, e 'imi iā Karla K. Silva-Park, ka Ho'olauka'i Title IX, ma ka helu kelepona 808-235-7468 a i 'ole ka lekauila ma karlas@hawaii.edu.

I 'IKE 'OE, he kuleana ko nā kumu a pau o ke kulanui no ka ha'i koke 'ana aku i ka Ho'olauka'i Title IX e pili i ka ho'okae keka a i 'ole hana weliweli hō'ike keka. 'A'ole hik ke ho'ohiki i ka hūnā 'ana i nā mea a pau, akā e hiki ana iā 'oe ke koho i kekahi mau ala e holomua ai. He mea nui kou 'ike 'ana i nā mea a pau e hiki ai ke hana a he mea nui ho'i kou 'ike i ke kāko'o 'ana mai a me nā kumu waiwai (kūmole) e hiki ai ke ki'i.

No kekahi 'ike e pili i ka ho'okae keka a i 'ole ka hana weliweli i ka hō'ike keka, a me nā kulekele kulanui e pili i ka Title IX (Interim EP 1.204), e kaomi i kēia loulou: <http://www.hawaii.edu/titleix>.